

913.734
1040
2

平南縣志

輿地畧

山川
灘附

挹翠山舊名蛇黃嶺志嶺一作岡一統屬一里層巒聳翠勢

若游龍中有九珠之勝舊志載產蛇黃石每歲秋仲里人掘

土深七八尺始得之如鷄子色紫可磨傅腫毒治小兒驚癇

名山勝山為縣治後屏在一邑名景之列昔人名曰蛇岡挹翠

前明邑主事張廷綸詩江城北而聳高峯凝眺偏憐紫翠重

舍石有蛇歸蟄洞求黃無地覓遺踪薰風解愠常宜夏宿草

回青不見冬自是輿圖歸一統佳名千載壯提封又嚴詩人

濕詩東風搖曳關芬菲有客看山聽鳥啼二月鶯花寒翠色

十年春夢繞柴扉佳人南國詩應瘦公子西城馬白肥此地

會聞多異產嶺頭消息近相違前大令李仲良詩高岡何處

蠹廼以蛇岡名蛇黃掘不得愁殺九珠民前大令張顯相詩

天開屏障衛山城豈以蛇黃浪得名一自迪功遭難後滿山

下何系示
卷之三
輿地畧
一癸未重修

芳草寫忠貞江右林有席絕句州邑經沿革江山溯漢唐九
珠光不滿拋落古蛇岡又玉學博星燭五律獨覽蛇岡勝嵐
光翠欲流青巒橫比郭碧嶂護南樓烟樹連雲密山光帶雨
浮四時多好景不厭往來遊

太平嶺在縣東北三里屬川三里林樹葱蔚爲縣城左障

秀水嶺在縣西北三里屬廂一里松形蒼翠爲縣城右障

大峽山一名五馬歸槽山又名九排壁縣北三十里其北爲

馬頭山方輿紀要及通志俱載在縣北十五里

鷄心嶺縣北三十里

黃觀嶺縣北三十里

羅密嶺縣東三十里

大桂山縣東北七十里羣峯環繞林菁茂密崖石夾路谷中

有池曰暖水窩夏涼冬暖四時不竭亦不溢明末草寇潛伏

官軍勦平之今產櫨木秦川河發源於此

以上屬川一里

燕子山縣東二十里江濱奇石矗立如雙燕憑崖並棲每風

雨飛燕雲集唐置鷺州以此得名昔人題壁曰燕子巢雲進邑

士王佐有詩高樓近水隈堂幕不徘徊迴漢樓鳥影辭泥釀

絲苔常留還沐雨乍起待聞雷繚繞烟雲岸差池有幾回前

明張王政廷綸七律云層巒疊嶂自天成遠照江山若畫屏

千載燕名傳地誌四時英氣護山靈舍坭石賣成新壘掠水

沙溪濕短翎王謝堂前棲不穩托身高處傍巖局譚珪詩云

亭亭怪石俯江干歲歲歸巢紫燕閒剪掠潤坭挑浪暖翎梳

江兩蓼花寒只尋舊壘迷荒徑慣引新雛出小巒世變却羞

王謝宅故依中砥障迴闌張大令顯相七絕云故國梁空事

已非來從江畔振烏衣於今化石巢雲際不傍人家簾幙飛

附石中進燕石賦龔水之濱丹崖之脊益峩呀之剛氣結而

成形萃霄漢之星精凝而為魄晴波俯瞰色映雙眸斜日遙

啣光披六翮象適肖乎飛禽質原生於槃石爾其依稀弱羽

彷彿修翎鍾元鳥之芳容奇憑山骨毓烏衣之麗質巧藉山

靈苔薛斑爛點綴紫胸之色壁峰英銳張開翠剪之形若使

海鳥來棲酷似哺雛於夏日設或江珠耀采儼同遺卵於商

庭當此遙瞻玉壘無異蜃樓天或倏鎖烟雲已覺白窠固結

三司系云

輿地畧

時雖未逢陰雨無煩牖戶網繆碧漢縱橫恍構玉樓棟裡長
空盤踞疑棲丹桂枝頭寂處笑怡堂之侶高居悲巢幕之儔
若乃百尺崢嶸雙形秀挺雌雄對立儼然樂意相關朝夕高
棲涉矣置身絕頂視齊飛之翡翠遜彼幽閑較共沐之鴛鴦
輪他高迥洵勝跡之堪傳豈凡胎之可並思夫迥絕塵凡遠
離禍患倘逢崔白必揮毫而繪丰神若遇玉京定繫足而留
顧盼莫訝昭陽殿裡趙女飛來休疑漢代宮中玉釵變幻至
於銷磨歲月閱歷古今帶露披霜莫覩差池之羽餐霞漱霧
不聞下上之音啄庭院之梨花雖云有意跳池塘之柳絮久
矣無心渾忘社日去來寄閨情於江畔懶向珠簾出入欲倦
翼於遙岑誰敢漫題凡鳥疇不共日靈禽他如叱作羊行化
爲虎伏鼓播於岐陽陣成於魚腹丈人藉米芾之呼織女表
昆明之宿雖各抒技術足駭世俗之觀瞻然終屬人工非出
天然之孕毓若茲彤標重領身寄高峯非良工之鐫刻實大
造之陶鎔饒他畫棟雕梁難合夢繞任爾綠芹紅杏詎有情
鍾王謝堂前空作當年舊王零陵山裡堪追昔日奇踪

鳳凰山縣東北三十里岡巒延秀儼如飛鳳相傳左右山麓

有兩古井各龍隱廣七尺深無底四時澄湛泉甘而冽遇旱

禱雨多應今淤其一明一統志及通志載在縣東四十里右有古井深無底相傳有龍潛藏於此

古崙山縣東北四十里一名紺紫崖與天堂崖對峙形如天

馬見一統志

界牌嶺縣東北六十里與滕縣交界

馬鞍山卽天井山縣東北四十里山上有井常不涸相傳內

有雙魚出沒游戲

舊志載縣東北二里誤

掛榜山縣東五十里

狀元山縣東北五十里狀元河水由此出

辰嶺縣東七十里在白馬舊墟之東山巔平曠邑人建塔其

上與桂平思陵山遙相對峙

以上屬川四里

暢巖縣西北二十五里屬路三里平疇突起石勢嶙峋山半

有巖寬敞如屋爲宋兩程夫子侍父宦遊龔州時從周濂溪

夫子讀書於此有印心亭蓮花池遺跡穿穴而過爲文昌巖

循石徑行有三寶巖飛鼠巖遇仙巖諸勝宋知州姚嗣宗嘗

遊之乾道間平南尹陳壽嵩有題名二十七字邑人多游詠

其間名曰暢巖懷古姚嗣宗詩云石作房偏遠水隨人意流

心閑任意遊山翁能醉客何事不重投又七言絕句寒谷長

留九秋氣暢巖別是一壺天清風不斷名猶在還繼宣尼出

聖賢前明邑主事張廷綸詩二程夫子此藏脩學道淵源繼

魯鄒雲鎖巖屏間歲月草迷石徑自春秋泉流似覺書聲在

苔印猶疑墨跡留信是高山真可仰令人千載慕嶽猷又謝

嵩七律云玉削芙蓉插碧蒼二程曾此寄修藏書聲雲鎖猶

遺響墨跡苔封尚有香吾道幸存留正脉斯文不沒偏遐方

閑來仰止高山在極目長天憶洛陽國朝麥宜楫詩斯文

未墜遺芳草姓字猶聞說二程南北未殊鄒魯徑登臨不盡

古今情雲封薜荔餘風雅月沁芙蓉見弟兄自愧一經時寂

寞黃花杯酒弔先生又李前合仲良五言詩古喆遺芳躅悠

然湖二程龔州同省侍茂叔與陶成理學人開化藏修地得

名詩裁雲作錦藜照玉爲瑩石室披襟爽山花透眼明炎鄉

敦禮讓宰治藉權衡雪已融潯水峰猶矗武城淡烟籠墨跡

寒澗渴吟聲洞口苔痕古巖扉草色平風塵勞七載杖履治
三生帶鶴尋松徑携琴聽谷鶯徘徊千載下仰止有餘情又
桂平黃解元體正詩學山不至山所患在夫畫學山而至此
山亦無定格此山名暢巖地氣結爲魄周遭一掌平居然此
巨擘入望何穹窿從之途稍窄能容踽踽步漸見林石或
則凹而纜或則嶷而凸或作曲碌盤或作玲瓏碧或如戴方
冠或如登圓碣鈍者有如椎銳者有如戟四顧難名狀兩巖
分闔闢一巖東北隅幽深少人跡一巖西南巔晃朗天光白
理窟本空明前賢有遺澤吟風弄月年程主而周客萬象列
眉看不是虛無宅靜舍太極圖曲通吾道脉無事穿鑿勞而
以耳目革斯人與斯山形理俱淵蹟人去山蕭然茫茫歲八
百豈無來者遊慮有歧途惑九仞非難登慎毋寸心隔張大
令顯相七絕平疇笑兀啟賢關人去巖空道可攀洞達遂深
方曉暢書臺講席認般般附麥宜楫暢巖賦暢巖者世傳二
程夫子讀書處也昔程大中公珣刺史龔州二子從侍延師
周子濂溪雅好山水見此巖高廠透遂命二子挾書册屢遊
於此故後人遂以二程名巖予甲午秋一至其地紀以詩丙
午東園劉使君宴賓客於其上予忝在列劉使君舉酒與余
曰茲山之勝非賦不彰其抽子秘思無辭乃避席遜謝退而
賦曰予聞粵山聳拔嶺嶠巖巉經名流之品鑒遂出類而超
凡溯三江之上游厥有邑曰平南昔大中之出守携二子以
微參聘各師其談道厯山水而幽探步州城之西境搜奇勝

於前巖觀夫左翼城右桂城潯水遶其南閭石峙其北嶙峋
巖屏如筍如笏嵒嵒嶸嶸或怒或突竅穴穹窿恍然月窟石
磴邈迤盤紆拂鬱凌空巘嶸嶸嶸嶸嶸嶸嶸嶸嶸嶸嶸嶸嶸嶸
風和峯巒盤紆拂鬱佳樹烟蘿禽聲現晄響徹嚴阿寥朗心目藉
草長歌值清和之夏日凝壁立之青葱愛荷池之入望扇十
里之香風火雲流而不到萬綠間以花紅其或秋聲在樹彭
湃奔潮烟凝山紫暑退金飈草零露以漸衰桐侵霜而早彫
嗟楓林之盡醉載明月於酒瓢時而元律窮寒氣升芳林葉
落池水泉冰空舞玉龍之甲如聞瑤鳳之鳴千巖堆綺色映
如燈援琴儷曲酌酒嶒嶸四時之景迥異不引昔賢以同
登於是除蕪穢剪荆榛闢講席同遊息推明二五研窮太極
探洙泗之淵源垂後世之法則雖一時之寄跡實千載之傳
芳開邊陲之文明恍雲漢之天章接墜緒於將絕洵古今之
爲綱風微世遠姓字猶香爾乃往來絡繹仰慕高踪跨歷巖
披蒙茸覽卉物陟高峰憩雲根眺芙蓉尋函丈之遺趾歷巖
壑之重瞻好音於佳鳥聽谷響之鳴鐘儼書聲之宛在豁
塵累之心胸窺鳶飛於天際視魚躍於淵中大道在前無之
不寓會心不遠憑弔應同悵昔賢之已邈咸寄想於詩筒陽
春白雪燦燦畢陳競探驪珠呈奇獻珍唱仰昌明之聖學傳
兩泣鬼神吾因之而有感獨懷古而情深仰昌明之聖學傳
心法於斯今訪流風而浩歎覩昭著以沉吟既無由而立雪
惟奮迅乎光陰追芳踪於巖岫識光霽之胸襟誠低回於不

密藉從吾以爲鐵復嘆美之曰巖以賢顯賢以道傳覽彼斯
巖日月長懸四時通嬪名適其天昭昭化育光景無邊萬派
泊汨微彼大川悟冥觀於萬象識同體之自然使君曰善乃
命執事獻彼兕爵敬佩德音三復斯作附邑人王孝廉長齡
遊暢巖歌吾粵山形天下奇士戴石者角鬻鬻峰皺瘦透紛
參差巖帆巖巖巖巖巖巖巖巖巖巖巖巖巖巖巖巖巖巖巖巖
巖北大野峯屢巖巖巖巖巖巖巖巖巖巖巖巖巖巖巖巖巖巖
理窟絕旁枝天然太極圖可披陰陽翕闢若卽離我來五月
赫炎曦捫蘿躡磴登喜攀追洞口峭立栗生肌峰均碧蕩香風
吹山椒徒艾蕢萊施蒼苔絡石如色絲土花剝石費磨治攀
窠大字何淋漓岩隙列縫若解頤旁通屋廠嵌罅恩紆迴鳥
道皆蹲鴟豁豁豁豁豁豁豁豁豁豁豁豁豁豁豁豁豁豁豁
尊彝九關虎豹橫屢屢陰雲靈靈靈靈靈靈靈靈靈靈靈靈
下視村落小於綦銅甌石髓沁詩屏高歌聲撼崖嶮巖邱壑
自謂已過之縱壽貞珉徒勞其疥壁勿論妍與姓富媼那得
置黃雌幾人望古眼如箕登高能賦解自昇天南一脉足吾
師高山仰止幾何時

小暢巖在縣西北三十里與思鷲巖對峙且近暢巖故名奇
石壁立僅山北一徑可捫蘿而登山巔之南有巖高厰明亮

以其向陽故又名高陽巖有宋治平年石刻今字漫滅不可

識邑人何建杓有詩云真賞豈緣琴酒得獨憐佳勝在西坡

前謝展雪中過分明一幅王維畫繪入乾坤自不磨

八崗縣西北四十里猺山門戶

東皇頂沙平嶺為一縣發龍之所下有山澗二水一黃流一

黑流

雙髻纓山在八崗中兩尖並峙秀麗鮮明如晨粧了髻

獅象山在八崗水口形如獅象

甕山舊志載在縣東六十里府志云縣西六十里今案在八崗水尾

西嶺縣四十里與桂平交界

東皇山在惠政里東北高大雄峙為二里保障

小坳山小路可通鵬化

大坳山與小坳山相連高廣叢深爲人鵬化之要道

猺古冲自大坳山綿亘而來邃深隱伏前朝爲猺人巢窟今

居址及官兵征剿營址猶存

石筍峰起於石馬山腰之間挺拔高數十丈形如初出竹筍

下有小巖容數十人邑孝廉梁華嘗偕弟子張汝瀚陳湧陳之屏登高於此各有題詠自後九日附

近皆登玩焉

壽旺山山巔高而平咸豐間附近居民避亂築堡於此基址

猶存

巖冲嶺山高聳每雨將降先有淡雲遠封濃翠如雨里人立

祠於此以禱雨以上屬惠政里

閔石山一名文峯在縣治西北一百三十里石峯如筍高插
 雲表四圍皆峭壁唯一徑蜿蜒攀蘿捫壁始可達其巔登眺
 者四顧蒼茫雲生足下山半有巖石室軒豁南漢梁嵩讀書
 於此名曰閔石鍾英邑進士王佐詩秀甲龔南域遙青一閔
 處人傳昔代間扶輿胎淑氣那得不重攀會稽章沛詩巖洞
 臨高迥絕塵當時誰與結芳鄰南州力學無雙士春榜掄才
 第一人閔石十年成變化文峯千載見精神幽居何限操觚
 客莫使山靈笑此身邑諸生石毓靈詩長空笑兀聳芙蓉有
 客登臨訪舊踪石徑清幽緣雨洗洞門寂寞倩雲封十年面
 壁英華露一代才人間氣鍾獨占高魁詩律細武城千載仰

儒宗

麒麟山縣西北七十里與閔石對峙石山突起逼肖麟形故
 名

羅運山縣西北七十里至一百八十里連屬大同鵬化二里

爲猺人巢穴

佛子嶺縣西北八十里山勢高聳疑卽高妙嶺爲猺山門戶
羅恒峯亦名獨秀峰尖秀如筆爲水口文峯

西山山勢峻拔端正爲一里後障

仙臺嶺縣西北一百餘里毗連花相白竹古陶羅鳳等猺嶺
明嘉靖七年王守仁剿斷藤峽仙臺花相諸賊皆平之卽此

飛鳳巖

舊志載在縣東二十五里今無考疑卽鳳凰山之訛
以上屬鵬化里

天塘嶺縣西南三十里其西爲嶺尾河與桂平交界

椅嶺山高聳一方咸豐初鄉人築堡其上以避亂

烏油崗縣亘環數里連大矗山

獅子山上有廟今廢

登高嶺爲平桂二縣之界

自行山天欲雨有雲繞其巔

以上屬零一里

大鼓嶺縣南二十里

茱荳嶺縣西南三十里其西爲雞兒嶺與桂平交界

以上屬零二里

獅子嶺縣東南五十里寬展雄偉其平衍處土肥產西瓜最美山麓有里人梁氏鶴山勞氏所設義塚地二所

白麵崖縣南五十里

以上屬零三里

石人嶺在蒙化里東南高拔綿亘三四里嶺上有石矗立如

人鄉人禱雨於此輒應

類里人王佐王元齡皆有碑記見碑刻

黃花山與鐵石等嶺相聯屬峯巒起伏氣勢雄遠

烏遊嶺卽維靈山縣南六十里羣峯連峙下有瀑布流爲深

潭

舊府志載縣東南八十里誤方輿紀要云九峯錯立下有深潭

大黃嶺縣南七十里

以上屬上建里

石脚山一名麒麟山縣南九十里屬下建里石勢嵯峨屹立
白沙江畔下有巖巨石障之一徑曲折而入中寬廠有二石
形肖鐘鼓又名鐘鼓山

以上屬下建里

伏虎山縣南九十里又南爲五馬山

摩雲嶺縣南一百里山頂時有雲霧卽六陳之金剛嶺與六
鰲對峙一統志載作摩雲山

以上屬太平里

思巖山縣東南六十五里峯巒雄峻山勢獨尊綿亘數十里
蒼翠如屏山巔有石室石臺棋局諸靈蹟鄉人禱雨於此輒
應山麓有井清澈味美咸豐季鄉人作饗室於山尖石室之

左井水忽穢不可食既而撤去澄澈如故其地脉聯屬響應

如此山後有大石峯張尙書祖墓在焉見一統志邑孝廉黎

云蒼翠轟芙蓉天南第幾峯日斜紅一抹雲映碧千重烟火

人家近松杉雨露濃屏藩桑梓地靈秀孰先鍾附邑人何建

杓賦丹英翠蔓兮巖壑玲瓏水聲活潑兮花氣鴻蒙石巉巖

兮橫路風颯颯兮吹桐雲冥冥兮雨霏霏白猿嘯夜兮青楓

朝日出兮林間澗谷紛以青紅干林靜兮秋月白草香兮春

風中有仙人兮躑躅餐白石而等於赤松豈其因時逐末而

視寰宇為樊籠胡然落落襟期不飲龔江之水而寄跡於崆

峴况夫行而為雲施而為雨澤滿蒼穹苔蘚一室兮征誅半

局藤蘿千尺兮峴口菁葱嗟世人兮曷不歸來乎山中之樂

不可見我獨思其巖穴兮實有慕夫廬陵之醉翁今余欲伴

兮誰與而誰從

大水山縣東南六十五里與藤縣交界綿亘百里重崗峻嶺

上有十二窩白為邑險要明末草寇潛伏今皆居民種植無

隙土產薑最良一統志載密林深箐重巖邃谷為邑要害